

**BOSNA I HERCEGOVINA
MINISTARSTVO KOMUNIKACIJA I PROMETA**

**INDEKS REGISTAR
INFORMACIJE POD KONTROLOM MINISTARSTVA
KOMUNIKACIJA I PROMETA BOSNE I HERCEGOVINE**

mart 2020. godine

Indeks registar može se dobiti u prostorijama Ministarstva komunikacija i prometa Bosne i Hercegovine (Sarajevo, Trg Bosne i Hercegovine 1) ili na internetskoj stranici Ministarstva komunikacija i prometa BiH www.mkt.gov.ba

Ministarstvo komunikacija i prometa Bosne i Hercegovine (dalje u tekstu: Ministarstvo) u obavezi je, prema članu 20. stav (2) Zakona o slobodi pristupa informacijama u Bosni i Hercegovini („Službeni glasnik BiH“, br. 28/02, 45/06, 102/09, 62/11 i 100/13, dalje u tekstu: ZoSPI), objaviti Indeks registar vrsta informacija koje su pod kontrolom Ministarstva, oblik u kojem su informacije na raspolaganju, kao i podatke o tome gdje se može pristupiti tim informacijama, a to su:

1. Informacije o javnim konkursima

- datum objavljivanja i zatvaranja javnog konkursa, odnosno krajnji rok za podnošenje prijave,
- preuzimanje prijavnih obrazaca,
- potrebna dokumentacija.

2. Informacije o proceduri i prijemu u Ministarstvo

- informacije o uvjetima, procedurama i toku prijema,
- podaci o rezultatima prijema kandidata koji su pristupili pismenom i usmenom ispitu,
- podaci o bodovnim listama kandidata koji su pristupili ispitu,
- informacije o mjestu i vremenu održavanja ispita općeg znanja, odnosno stručnog ispita.

- 3. Informacije koje se odnose na zakonsku regulativu i podzakonske akte**, a koji su u vezi sa radom u državnoj službi i načinom ostvarivanja prava i obaveza državnih službenika, osim ličnih podataka i podataka koji predstavljaju izuzetak od objavljivanja, u skladu sa ZoSPI-jem.

OBLIK INFORMACIJE

Oblik informacije, zavisno od zahtjeva, može se dati kao posebno sačinjena informacija sa pozivom na izvor podataka.

MJESTO PRISTUPA INFORMACIJAMA

Protokol Ministarstva je mjesto gdje podnositelj zahtjeva može dobiti informacije o podnesenom zahtjevu, odnosno gdje može pristupiti traženim i odobrenim informacijama.

Kontakt adresa za podnošenje pismenog zahtjeva za pristup informacijama je:

Ministarstvo komunikacija i prometa Bosne i Hercegovine

Trg Bosne i Hercegovine 1

71 000 Sarajevo

Telefon: +387 33 284 750

Telefaks: +387 33 284 751

Web: www.mkt.gov.ba

E-mail: majda.tatarevic@mkt.gov.ba

Službenik za informiranje Ministarstva:

Majda Tatarević, stručni savjetnik za odnose s javnošću i međunarodnu saradnju

Na osnovu čega Ministarstvo može odbiti pristup informacijama?

ZoSPI određuje tri kategorije informacija koje mogu biti izuzete od otkrivanja:

Prva kategorija se odnosi na funkcije javnih organa. U smislu ove kategorije, izuzetak može biti utvrđen u slučajevima kada bi otkrivanje informacije izazvalo značajnu štetu po legitimne ciljeve vanjske politike, interesa odbrane i sigurnosti, kao i zaštite javne sigurnosti, interesa monetarne politike, sprečavanja kriminala i otkrivanja kriminala i zaštite procesa donošenja odluke.

Druga kategorija izuzeća odnosi se na zaštitu komercijalno osjetljivih informacija treće strane kada bi objavljivanje takve informacije moglo prouzrokovati štetu trećoj strani.

Treća kategorija izuzetaka je zaštita privatnosti drugog lica.

VRSTE INFORMACIJA KOJE SU POD KONTROLOM MINISTARSTVA

Prema Zakonu o ministarstvima i drugim organima uprave Bosne i Hercegovine („Službeni glasnik BiH“, br. 5/03, 42/03, 26/04, 42/04, 45/04, 88/07, 35/09, 59/09, 103/09, 87/12, 6/13 i 19/16), Ministarstvo je nadležno za:

- politiku i reguliranje zajedničkih i međunarodnih komunikacionih uređaja,
- međunarodni i međuentitetski promet i infrastrukturu,
- pripremanje ugovora, sporazuma i drugih akata iz oblasti međunarodnih i međuentitetskih komunikacija i prometa,
- odnose sa međunarodnim organizacijama iz oblasti međunarodnih i međuentitetskih komunikacija i prometa,
- pripremu i izradu strateških i planskih dokumenata iz oblasti međunarodnih i međuentitetskih komunikacija, prometa, infrastrukture i informacionih tehnologija,
- poslove kontrole neometanog transporta u međunarodnom prometu,
- civilno zrakoplovstvo i nadzor zračnog prometa,
- obaveze općeg nadzora, izdavanje licenca, dozvola i certifikata o sigurnosti a u vezi sa željezničkim prometom,
- vršenje funkcije interne revizije u skladu sa Zakonom o internoj reviziji u institucijama Bosne i Hercegovine,
- provjeru da li su interna pravila o pružanju usluga i sigurnosni koncept ovjerilaca u skladu sa Zakonom o elektronskom potpisu i na osnovu njega donesenih podzakonskih propisa.

Zakonske nadležnosti Ministarstva komunikacija i prometa Bosne i Hercegovine realiziraju se kroz obavljanje poslova slijedećih organizacionih jedinica:

Sektor za pravne i finansijske poslove

- učestvuje u izradi zakona i podzakonskih akata Ministarstva te programa rada i izvještaja o radu,
- daje stručna mišljenja i izrađuje prijedloge akata iz oblasti radnih odnosa,
- obavlja kadrovske i personalne poslove pravne prirode te osigurava upravljanje ljudskim potencijalima u Ministarstvu, u čemu saraduje i sa Agencijom za državnu službu,
- ostvaruje saradnju sa Odborom državne službe za žalbe,
- vodi dosjee zaposlenih, obavlja poslove pisarnice, arhive, ekonomata te poslove izrade finansijskih planova Ministarstva,
- obavlja poslove obrade, obračuna i isplate plaća i drugih naknada zaposlenim,
- vodi knjigovodstveno-finansijsku dokumentaciju i obavlja druge pravne, opće i finansijske poslove od zajedničkog interesa za Ministarstvo.

Sektor za promet

- obavlja poslove koji se odnose na pripremanje i izvršavanje propisa u vezi sa uspostavljanjem i funkcioniranjem međunarodnog i međuentitetskog cestovnog, željezničkog, zračnog i cjevovodnog prometa,
- učestvuje u pripremi i prati provođenje bilateralnih sporazuma sa svim državama sa kojima postoji zajednički interes u bilateralnom prijevozu roba i putnika,
- priprema zaključivanje međunarodnih ugovora i sporazuma iz oblasti međunarodnog prometa,
- saraduje sa drugim državama i inostranim institucijama u kojima je Bosna i Hercegovina članica,
- dogovara kontingente bilateralnih i CEMT dozvola i drugih isprava koje se koriste u međunarodnom prometu,
- obavlja raspodjelu i distribuciju CEMT dozvola domaćim prijevoznicima,
- obavlja poslove izdavanja licenci prijevoznicima za međunarodni i međuentitetski prijevoz putnika i roba,
- obavlja usklađivanje međunarodnih i međuentitetskih redova vožnje i utvrđuje osnovne principe i koordinaciju aktivnosti,
- saraduje sa državama u okviru Pakta stabilnosti o pitanju prometa,
- saraduje sa nadležnim organima entiteta i Brčko distrikta BiH.

Sektor za prometnu infrastrukturu, pripremu i implementaciju projekata

- priprema zakone i podzakonske akte koji se odnose na ceste, željeznice, luke i cjevovode,
- priprema i učestvuje u izradi i realizaciji politike, strategije i studija iz oblasti prometa i prometne infrastrukture u dijelu koji se odnosi na prometnu infrastrukturu,
- saraduje sa domaćim i međunarodnim institucijama i organizacijama koje se bave prometnom infrastrukturom,
- saraduje i predstavlja Bosnu i Hercegovinu po ovlaštenju u međunarodnim institucijama i organizacijama u kojima je Bosna i Hercegovina članica ili namjerava da postane članica,
- saraduje sa državama u okviru EU, CEI-a, Pakta stabilnosti, Jadransko-jonske inicijative i drugih relevantnih asocijacija o pitanju prometne infrastrukture,
- koordinira aktivnosti u vezi sa izgradnjom infrastrukturnih objekata od međunarodnog i međuentitetskog značaja, pri čemu Koridor Vc (Ploče – Sarajevo – Osijek – Budimpešta), kao dio transevropske mreže (TEN), ima poseban značaj,
- saraduje sa nadležnim organima susjednih i drugih država na projektima od zajedničkog interesa,
- saraduje sa nadležnim društveno-političkim organima i institucijama entiteta i Brčko distrikta BiH,
- priprema, provodi ili koordinira provođenje projekata obnove, rekonstrukcije i izgradnje na međunarodnim i međuentitetskim komunikacijama s pripadajućom infrastrukturom, osigurava radove, robe i usluge, u odnosu na provođenje projekata, vodi finansijsko upravljanje projektima prema utvrđenim pravilima unutrašnjeg zakonodavstva ili donatora-kreditora, organizira i vodi radne sastanke ("task force meeting") o pitanju obnove, rekonstrukcije i izgradnje pojedinih podsektora prometa, vodi bazu podataka o svim projektima,
- učestvuje u radu međunarodnih konferencija, komisija, stručnih grupa o pitanju pripreme i provođenja projekata i u tom cilju saraduje sa prometnim korporacijama, kompanijama, nadležnim organima, donatorima, domaćim i međunarodnim organizacijama te međunarodnim finansijskim (IFI) i drugim finansijskim institucijama u vezi sa finansiranjem projekata infrastrukture.

Sektor za komunikacije i informatizaciju

- obavlja poslove iz djelokruga poštanskog prometa, radija, televizije, emitiranja i informatike,
- obavlja stručne poslove u pripremi analiza i drugih materijala kao osnova za unapređenje politike razvoja sektora komunikacija i informatike i saradnje sa nadležnim ministarstvima entiteta i Brčko distrikta Bosne i Hercegovine, a naročito Regulatornom agencijom za telekomunikacije, u cilju postizanja pravične konkurencije, neugrožavanja ili ograničavanja konkurencije, zaštite autorskih prava i osiguranja efikasnog korištenja i upravljanja resursima radiofrekvencija i brojeva u skladu sa propisima iz oblasti radiokomunikacija i drugim preporukama Međunarodne unije za telekomunikacije,

- obavlja poslove pripreme zakonskih i podzakonskih akata iz oblasti telekomunikacija i informatike i prati njihovu primjenu, saraduje sa drugim organima u pripremi planova razvoja ove oblasti i inicira, na državnom nivou, dogovore u vezi sa pitanjima povezivanja sistema veza,
- obavlja poslove na edukaciji korištenja informaciono-komunikacionih tehnologija,
- obavlja poslove na izradi propisa iz oblasti informatike, poboljšanju povezanosti komunikacionih informacionih uređaja, na osmišljavanju državne e-mail strategije i učestvuje u uspostavljanju regulatornih principa.

Inspektorat

- vrši koordinaciju, subordinaciju i usklađivanje rada entitetskih inspektorata i Inspektorata Brčko distrikta BiH,
- vrši koordinaciju sa nadležnim carinskim organima i organima državne granične službe na graničnim prijelazima u pogledu nadzora nad provođenjem zakona i drugih propisa kojima se uređuje međunarodni prijevoz,
- pokreće aktivnosti u cilju unapređenja i efikasnijeg djelovanja Inspektorata,
- sa glavnim inspektorima entiteta i Brčko distrikta BiH vrši inspekcijски nadzor u složenim slučajevima iz djelokruga rada Inspektorata,
- prati poštivanje zakonitosti u nadležnim oblastima Inspektorata,
- prati stanje podnesenih zahtjeva za pokretanje prekršajnih postupaka i prijava za pokretanje postupaka zbog privrednih prijestupa, odnosno krivičnih djela prema mjestu podnošenja prijava,
- učestvuje u pripremi prednacrta zakona i drugih propisa iz nadležnosti Inspektorata,
- izriče opomene prijevoznicima,
- donosi rješenja o poništenju dozvola za obavljanje prijevoza i o zabranama u skladu sa zakonom koji utvrđuje međunarodni prijevoz.

Jedinica interne revizije

- vrši funkciju interne revizije u skladu sa Zakonom o internoj reviziji u institucijama Bosne i Hercegovine,
- na osnovu Povelje interne revizije i Sporazuma o vršenju interne revizije, vrši internu reviziju u sljedećim institucijama u skladu sa Odlukom o kriterijima za uspostavljanje jedinica interne revizije u institucijama Bosne i Hercegovine: Ministarstvo komunikacija i prometa Bosne i Hercegovine, Agencija za poštanski promet Bosne i Hercegovine, Direkcija za civilno zrakoplovstvo Bosne i Hercegovine, Regulatorna agencija za komunikacije Bosne i Hercegovine,
- vrši interne revizije na osnovu odobrenih strateških, godišnjih i pojedinačnih revizorskih planova.

Ured za nadzor i akreditaciju ovjerilaca

- provjerava da li su interna pravila o pružanju usluga i sigurnosni koncept ovjerilaca u skladu sa Zakonom o elektronskom potpisu i na osnovu njega donesenih podzakonskih propisa,
- provjerava da li ovjerilac za vrijeme obavljanja djelatnosti zadovoljava odredbe Zakona i na osnovu njega donesenih podzakonskih propisa i svojih internih pravila o pružanju usluga i sigurnosnog koncepta,
- nadzire upotrebu tehničkih sredstava i postupaka u slučaju kada ovjerilac pruža usluge u vezi sa sigurnim elektronskim potpisom,
- provjerava da li organ akreditiran za izdavanje potvrda o ispunjavanju sigurnosnih zahtjeva ispunjava organizacione kriterije,
- registriira ovjerioce koji podnesu obavještenje o početku rada i akreditira ovjerioce u skladu s odredbama Zakona,
- utvrđuje ekvivalentnost izvještaja o provjeri iz trećih zemalja,
- pruža uslugu opoziva ako je ovjerilac prestao pružati usluge u vezi sa elektronskim potpisom i ovjeravanjem ili mu je pružanje usluga zabranjeno, a pružanje usluge opoziva nije preuzeo drugi ovjerilac,
- vodi elektronski registar ovjerilaca sa sjedištem u Bosni i Hercegovini, akreditiranih ovjerilaca i ovjerilaca sa sjedištem u trećim državama za čije potvrde garantira ovjerilac sa sjedištem u Bosni i Hercegovini,
- preduzima mjere kojima se osigurava ispunjavanje obaveza Zakona o elektronskom potpisu i pratećih podzakonskih propisa, kao što je zabrana upotrebe neodgovarajućih tehničkih sredstava i postupaka ili pružanje svih ili pojedinih usluga u vezi sa elektronskim potpisom i ovjeravanjem, opoziv potvrde ovjerioca ili potpisnika i sl.

U sastavu Ministarstva su i dvije upravne organizacije: **Direkcija za civilno zrakoplovstvo Bosne i Hercegovine** i **Regulatorni odbor željeznica Bosne i Hercegovine**, čiji je djelokrug rada uređen Zakonom o zrakoplovstvu Bosne i Hercegovine („Službeni glasnik BiH“, broj 39/09 i 25/18), odnosno Zakonom o željeznicama Bosne i Hercegovine („Službeni glasnik BiH“, broj 52/05).

Prema Zakonu o zrakoplovstvu Bosne i Hercegovine, Direkcija za civilno zrakoplovstvo Bosne i Hercegovine je regulatorni organ nadležan za donošenje propisa kojima se reguliraju uvjeti obavljanja civilnog zrakoplovstva, te za inspekcijske preglede i druge upravne poslove kao što su izdavanje dozvola, licenci i dr. Prema Zakonu o željeznicama Bosne i Hercegovine, Regulatorni odbor željeznica Bosne i Hercegovine je regulatorni organ za oblast željeznica odgovoran za izdavanje, praćenje i oduzimanje licenci, potvrda o sigurnosti i dozvola, inspekcijske preglede i općenito reguliranje uvjeta za pristup željezničkoj infrastrukturi.